

den domaine du moulin neuf



zu Boismont an Frankräich

Haut Samsdes den 21. Februar huet den Fly Fishing Club aus Lëtzebuerg d'Fréijoër angelaut an dass mir dobäi net esou falsch luungen huet sech gewisen ewei traditioneller Weis och erëm Krucherten um Rendez – vous waren an eis lautstoark ungekënnegt hun dass mir eis net an der Zäit verdun hatten. Et wor dann och een ganz aussergewöhnlechen Dag fir eisen Member den Andy, Hien an d' Cyndi waren an der Nuecht houffrëg Elteren vun éngem léiwen Meedchen gin an mir wëllen Hinnen dann och op dësem Weë nach éng Kéier häerzlechst gratuléieren.

Bei ongemittlechen 0° Grad waren Haut de Moien am Ganzen éng 20 Fëscher vun eisem Club dem Opruff nokomm an zesummen hun mir een flotten éischten Fëscherdag fir dës Fëschsaison beim Waasser verbruecht. Mir hatten an den Bannkuren vum laangen Wanter profitéiert andeems mir eis Méckenkëschten erëm gefëllt hun, heibäi wëll ech den Bënner, Andy, Eric, Jemp, Eugène an Guy villmols Merci soën fir hiren Ansatz deen dozou gefouert huet dass och dëst Joër eis Bannowender ganz gelongen waren an mir esou net nëmmen erëm vill Mécken an eisen Këschten hun mee dodernieft och kënnen op vill schéin Stonnen zu Lamadelaine an eisem Veräinshaus zeréckblécken, déi mir net mëssen wëllen.





Ewei mir unkomm sín woren den Patrick an den Eugène schon am Gaangen hir Staangen opzerüchten, den Patrick hat och säin treien véierbeenegen Frënd matbruecht an Sie woren een gudd Team, ewoubäi een net soën konnt Wien méi opgereeget wor, den Patrick oder säin Hond, Dësen ass objiddverfall bei all Fësch vun Freed an d'Waasser gesprongen.



Nodeems déi éischten Opreegung sech geluet hat, déi éischt Wurelen hannert eis lungen an och deen een oder anner Fluch durch Dal geschaalt wor, sin dun lues a lues déi éischt Fësch fir dëst Joër gefaangen gin, ewoubäi et och dëst Joër erëm zimlech schwéier wor. Mir hun awer méi Fësch ewei dat leschten Joër gefaangen an nodeems et Moies mat Reen ungaangen wor huet d'Wieder sech am Laaf vum Dag och ansichteg gewisen, zeguer ass hei an do d'Sonn luusen komm.



Mée ewei erfreet woren mir dach erréicht ewei eisen Präsidant, den Jeek, mam Robert virgefouert ass, Sie haten eis éng Lënsenzop mat Mettwurst gekacht. Dësen Menue huet bei deem fruchten kaalen Wieder gepasst ewei d'Fauscht op d'Aa an den Glühwäin deen Sie als Apéro zum Beschten gin haten huet eis och erëm séier bis an déi déck Zéiw opgewieimt. A bee mol haten d'Fëscher alleguer roud Baacken, woren ganz gespréicheg an et ass nëmmen nach gelaacht gin. d'Zop huet geschmaacht an et woren net wéineg Fëscher déi bereetwëlleg och nach éng zweet oder drëtt Kéier hir Jat

fällen geloos hun. Fir Gedrenks wor och gesuergt an esou waren mir alt nees éng Kéier an eiséim Element an et ass héich hirgaangen, jee op eisen Prääsident ass eben ëmmer verloos.





Mëttes ass natüerlech nach ee bëssen gefëscht gin an mat gudd gesiedegtem Gemit woren mir dun och net méi esou kribbeleg. Et sin och Mëttes nach Fësch gefaangen gin och wann mir awer méi dovunner profitéiert hun fir den Dag gemitlech auskléngen ze loossen.

Ech wëll dann och nach éng Kéier drun erënneren dass den 7. März erëm d'Coupe Patrick Riehl zu Lamadelaine beim Joé ausgefëscht gët. Hei hun sech dëst Joër ganz vill Memberen angemellt an ech hoffen dass mir och hei een gelongent Frëndschaftsfëschchen am Gedenken un den Patrick erliewen wäerten.

Duerno steet eis Generalversammlung virun der Dür an mir hoffen dass, genoe ewei am leschten Joër, erëm grad esouvill Memberen wäerten drun deel huelen an dann wäerten mir och hei erëm een gesellegen Owend verbréngen. Den Film vun eiser Rees duurch d'Joër 2014 ass objédvefall prett an ech méngen dass Dësen och ganz gudd erëmgët wat mir esou Alles an éngem ereegnesräichen Joër erliewt hun.



